

## Mohamad Abazied و ٣٣ آخرين. مع Odai Abo Sham



facebook.com/abosdaam.altalab/posts/pfbid033PuuEqKSWaEf8yTK2jpvCqXuVXn2ki8eeYr4NjFkyS1gZfmoTVMu9reD6rjCqEGXI



18+

#ذاكرة ثورة

المكان : مدينة ازرع

الزمان 22.4.2011

23.4.2011

الحدث

مجزرة ازرع الأولى حيث تم اطلاق النار على المتظاهرين السلميين وراح ضحيتها عدد كبير من الشهداء والجرحى

بتاريخ 23 في اليوم التالي

طلعنا من درعا المحطة والبلد بموكب لتشييع شهداء مجزرة مدينة ازرع بتاريخ 23 --4

طلعنا عدة سيارات من مدينة درعا وكان معنا الله يرحمو الشهيد علاء مسالمة ابو حسين وبس وصلنا على جسر ازرع شفنا حواجز النظام جيش وأمن على مداخل ازرع

خبرنا الشباب مابدنا نفوت لانو حاس في شي مو زابطرح يصير

ووقفنا قبل الجسر على الاستتراد وكان من الجهة الثانية فوق الجسر اهالي بلدات ابطع والشيخ مسكين وداعل والريف الغربي جاين على ازرع للمشاركة بالتشييع وبس وصلت الناس على الجسر كان في حاجز للنظام اول الجسر الحاجز طلب انو ماحدا يفوت بالمواتير اما مشي او بسيارات

وهالشي يلي صار

كان في 3 نقاط للحيش على الجسر اول نقطة سمحت للاهالي انهم يفوتو ثاني نقطة بدون سابق انذار قامت باطلاق النار على  
الاهالي وارنكاب مجزرة جديدة

نحن الشباب يلي معنا قمنا بقطع الاتسترد واتجهنا على المحور الثاني لفزعة الشباب هناك واسعاف الجرحى بهالوقت اتصوب  
الشباب محمد الزعبي وحيد لأهله بطلقة براسو

اتجهنا للجهة الثانية واسعفنا الشباب بعدين ارجعنا لمينا حالنا وقررنا نرجع نحاول نفوت على ازرع وكمان صار اطلاق نار علينا  
بعد 3 محاولات شبيهة انك عم تتحدى الموت وإطلاق النار

اجى ضابط كلب وسمحنا نفوت بس مالحقنا تشيع الشهداء المجزرة السابقة وشبعنا الشهداء يلي كانوا معنا بس بالمجزرة الثانية  
هون وصلتنا الاخبار انو الامن حاول اقتحام المشفى الوطني بمدينة درعا وحاول خطف الجرحى وانو صار اطلاق نار كثير  
بدرعا المدينة والامور متوترة

ورجعنا على درعا

بعد يومين صار اقتحام مدينة درعا

والحصار واول مكان تمت السيطرة عليه هو محور المشفى الوطني وحميدة الطاهر  
والامن فات على المشفى واعتقل بعض الجرحى وشال المنفسة عن الشهيد محمد الزعبي

مقاطع الفيديو لمجزرة 22 ومجزرة 23 الجسر

.

.....